

քէի: Գտին փոխանակադիր 45,000 դահեկանի 'ի Կոստանդինուպօլիս կնքով Պատրիարքին, ապա Վարդապետքն ստորագրեալ առաքեցին զայն: Կուսակալն մեկնեցաւ 'ի Դամասկոսէ և սեղանաւորքն ընդ նմա ըստ սովորութեան մինչեւ 'ի Միւզէրիպ, և Վարդապետքն ելին 'ի Դամասկոսէ (յՁ Հոկտեմբերի): Իսկ Դիոնէսիոս ախտացեալ տենդիւ 'ի Դամասկոս, և հասեալ 'ի Նազարէթ կրկնեաց հիւանդութիւնն, և հազիւ հասեալ 'ի Ռէմլէ անկաւ 'ի մահի՞ն: Ըլեալ Թէոդորոսի առաքեաց զմօմանս՝ և ետ տանիլ զնա յերուսաղէմ:

Գ Լ Ո Ւ Խ Լ Բ .

Բգէշին Ա. քքէի: Փոխանորդն Յունաց: Յովհաննէս Պատրիարքի անկումն: Ա. քսորումն Խօճաքեանին եւ Դատարարին Երուսաղէմի: Հանդերձապետ Արքայի: Նոր Դատարար Մուսայ Էֆէնտի:

ԲԻՇԵՆՆ Ա. քքէի որ Միւթեվէլլի էր տաճարին Ս. Յարութեան, իրրեւ լուաւ զոր ինչ էառ 'ի Հայոց Կուսակալն Դամասկոսի, խնդրէր և ինքն նոյնչափ դանձաւ:

Փոխանորդն Յունաց առաքեաց զմօմանս յիւրոցն 'ի վանս Հայոց և ասէ՝ բաւական լիցի այսքան տարածայնութիւն 'ի մէջ երկուց ազգաց՝ երթայք պատարագեցէք ըստ առաջին սովորութեան ձերոյ 'ի վերայ գերեզմանի Ս. Աստուածածնի յաւուր չորեքշաբաթի. այլ Հայք ետուն պատասխանի. եթէ թոյլ տայք առնել մեզ որպէս դուքդ առնէք, զի տեղին ընկերովի է, երթիցուք, ապա թէ ոչ՝ մնասցէ. այլ նոքա խորչեալ 'ի բաժանորդ բառէն, յառաջ բերէին նախ քան զ40 ամն. զի այնպէս հրամայեալ է ասէին՝ Արքայի: Եւ 'ի չղիջանիլ այսմ Հայոց, առին գիր 'ի Դատարարէն և յայլազգեաց քաղաքին վասն Բեթղէհէմի, թէ Հայք բնաւ չունին իրաւունս 'ի վերայ եկեղեցւոյն այնորիկ ոչ պատարագի եւ ոչ այլ իրաց. բայց Նախիպն եւ Միւֆթին ոչ կնքեցին զգիրն, չկամիմք ասեն լինել սուտ վկայ. նմին իրի Յոյնք ամբաստան եղեն զսոցանէ 'ի Կոստանդինուպօլիս և Նուրի Էֆէնտի, որ նրա-